

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRAČANICA
JU „Druga osnovna škola „Gračanica

Broj: 07- 1805/25

Gračanica, 02.10.2025. godine

Na osnovu člana 64. stav (1) tačka b)., člana 70. stav (1) i (3). Zakona o javnim nabavkama („Službeni glasnik BiH“, broj 39/14, 59/22 i 50/24) i člana 111. Zakona o osnovnom odgoju i obrazovanju - prečišćeni tekst („Službene novine TK-a“ broj: 10/20, 8/21, 11/21, 22/21, 10/22, 11/22 , 12/23 i 5/25), direktor JU“Druga osnovna škola“ Gračanica u Gračanici, donosi

O D L U K A **o izboru najpovoljnijeg ponuđača**

I

Ovom Odlukom vrši se izbor najpovoljnijeg ponuđača u postupku nabavke radova **Nabavka i ugradnja unutrašnje stolarije** ponuđač **YAVUZ COMPANY doo, Čehaje bb, 75 350 Srebrenik** sa ukupnom vrijednošću ponude od **6.486,00 KM**, bez PDV-a, odnosno ukupnu vrijednost Ugovora od **7.588,62 KM** sa PDV-om, broj ponude:17-09/25

II

Izabrani ponuđač je u skladu sa poglavljem V tačka 1. od a) do d) Tenderske dokumentacije obavezan dostaviti dokaze predviđene članom 45. Zakona o javnim nabavkama .

III

Ugovorni organ će pozvati izabranog ponuđača iz tačke I ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku u skladu sa odredbama Zakona o javnim nabavkama.

IV

Ova Odluka dostavlja se svim ponuđačima koji su sudjelovali u postuku javne nabavke, a u skladu sa članom 71. stav (2). Zakona o javnim nabavkama.

O B R A Z L O Ž E N J E

Na osnovu Odluke o pokretanju postupka javne nabavke radova **Nabavka i ugradnja unutrašnje stolarije**, broj: 07-1719/25 i Rješenja o imenovanju komisije, broj: 03-1721/25, proveden je postupak javne nabavke radova putem konkurentskog zahtjeva, sa objavljivanjem Obavještenja na portalu javnih nabavki, broj: 5370-7-348-3-6/25 dana 16.09.2025. godine i u „Službenom glasniku BiH“, broj: 55/25.

Komisija je prije samog otvaranja konstatovala sljedeće:

- Da su do roka određenog za dostavu ponuda, pristigle četiri (4) ponude.
- Da su koverta neoštećene, uredno zapakovane i zapečaćene,
- Da je na kovertama upisan redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol.

Na Protokol škole do roka određenog za prijem ponuda (26.09.2025. godine do 11.00 h), pristigle su ponude sljedećih ponuđača:

1. **YAVUZ COMPANY d.o.o.** Čehaje bb., 75 350 Srebrenik zaprimljena dana 24.09.2025. godine u 9.14 h, sa ukupnom cijenom od **8.550,00 KM bez PDV-a.**
2. **MEGA ROLL d.o.o** Gračanica, Polje bb. 75329 Miričina zaprimljena dana 25.09.2025. godine u 10.49 h, sa ukupnom cijenom od **8.400, 00 KM bez PDV-a.**
3. **TOTAL BAU d.o.o** Gračanica, Polje bb. 75324 Stjepan Polje zaprimljena dana 25.09.2025. godine u 11.36 h, sa ukupnom cijenom od **7.569,60 KM bez PDV-a.**
4. **TEMO PLAST d.o.o.** Ježinac bb., 75 350 Srebrenik zaprimljena dana 26.09.2025. godine u 9.22h, sa ukupnom cijenom **8.549,88 KM bez PDV-a.**

Komisija je na zatvorenom sastanku izvršila pregled formalne i tehničke usklađenosti ponuda i zaključila da pristigle ponude zadovoljavaju sve formalne uslove i uslove tehničke usklađenosti, odnosno formalno i tehnički ponude su prihvatljive.

Nije bilo razloga za isključenje ponuđača zbog neispunjavanja uslova za kvalifikaciju.

Nakon završenog pregleda formalne i tehničke usklađenosti ponuda Komisija je nastavljajući rad na zatvorenom sastanku izvršila i računarsku provjeru finansijskog dijela ponuda ponuđača koji zadovoljavaju formalne i tehničke uslove, te je utvrđeno da nema računarskih grešaka.

Poštujući uslove Tenderske dokumentacije kojom je predviđeno održavanje E-aukcije, a sve u skladu sa Pravilnikom o uslovima i načinom korištenja e-aukcije („Službeni glasnik BiH“, broj:80/23) Komisija je zakazala e-aukciju na portalu Javnih nabavki (www.ejn.gov.ba) za dan 29.09.2025. godine sa početkom u 9.00 h i predviđenim trajanjem od 10 minuta.

Nakon okončane e-aukcije (Izvještaj o toku i završetku E-aukcije u prilogu zapisnika), a shodno utvrđenom kriteriju „najniža cijena“, Komisija je utvrdila konačnu rang listu ponuđača koji su ispunili kvalifikacione uslove i to kako slijedi:

Rang	Naziv ponuđača	Konačna cijena u KM bez PDV-a.	Umanjenje cijene
1.	YAVUZ COMPANY D.O.O	6.486,00 KM	24,14% **
2.	TOTAL BAU DOO	6.492,00 KM	14,24 % **
3.	TEMPO PLAST	7.300,90 KM	14,61 %**
4.	MEGA-ROLL DOO	8.400,00 KM	0%

* Označava približnu vrijednost procentualnog umanjenja nakon zaokruživanja na dvije decimale.

Obzirom da ponuda ponuđača YAVUZ COMPANY doo, Čehaje bb., 75350 Srebrenik ocjenjena kao najniža data je preporuka Ugovornom organu da se u postupku nabavke radova Nabavka i ugradnja unutrašnje stolarije zaključi Ugovor sa YAVUZ COMPANY doo, Čehaje bb., 75 350 Srebrenik, a koji je ponudio najnižu prihvatljivu ponudu, koja nakon e-aukcije iznosi: 6.486,00 KM, odnosno ukupnu vrijednost Ugovora od 7.588,62 KM sa uračunatim PDV-om.

Na osnovu gore navedenog, donesena je Odluka kao u dispozivu.

PRAVNA POUKA:

Protiv ove Odluke može se izjaviti žalba najkasnije u roku od 5 dana od dana prijema ove Odluke. Žalba se izjavljuje na način propisan članom 99. Zakona o javnim nabavkama. Ugovorni organ će postupiti po žalbi na način propisan odredbama člana 100. Zakona o javnim nabavkama.

Dostaviti

1. Svim ponuđačima
2. Ministarstvu finansija TK
3. Računovodstvu škole
4. a/a

